

در سعادنده باب عالی جاده سنده
اداره مخصوصه
محل اداره :

مسئله حقوق

استاد محترم آقا جعفر معتمد
قبول اولنور
درج ابدلین آثار احاده ارقار

دین ، فلسفه ، ادبیات ، حقوق و علوم دین باحث هفته لق رساله در

مؤسسه : ابوالعلا زین العابدین - ح . اشرف ادیب

در سعادنده نسخه سی ۵۰ پاره در

قیرلیدن مقوا بورو ایله کوندربلیرسه سنوی
۲۰ غروش فضله آلنیر

تاریخ تاسیسی :

۱۱ خمرز ۳۲۴

در سعادنده پوسته ایله کوندربلیرسه ولایات بدلی اخذ اولنور.

درسه دنده	سنه لکی	القی آیایی
ولا یانده	۸۰	۴۰
مملک اجنبیه ده	۸۰	۴۰

ایکنجی جلد

۱۶ ربیع الاخر ۳۲۷ پنجشنبه ۲۳ نیسان ۳۲۵

عدد : ۳۵

بر حدیث شریف

ناطق عالی حضرت پیا بری که مقتضای مینفیه رعایت ابدلش اوله ایدی
گرفتار اولدیفمن فلا کتیرک هیچ برنی کورمزدرک . موندن بوبله اولسون محافظه
احکامنه موفق اولسق ینه مسعود و بختیار اوله جعفر بی اشتباعدرد.

بسم الله الرحمن الرحيم «لاتحاسدوا ولا تناجشوا ولا تباعضوا
ولا تدابروا ولا یبع بعضکم علی بیع بعض وکونوا عبادالله اخواناً
المسلم اخوالمسلم لا یظلمه ولا یخذله ولا یکذبه ولا یحقره التقوی ههنا
(واشار الی صدره ثلاث مرات) بحب امری من الشران یحقر اخاه
المسلم کل المسلم علی المسلم حرام دمه و ماله و عرضه».

«لاتحاسدوا» حسد لشمه یکنز . حسد ، برکسه نک زوال نعمتی
ارزو ایتمکن عبارت اولوب ، حاسد او نعمتک کندیسنه وصولی
تمیسنده اولق شرط دکلدز . حسد ، حسناقی احما ایدر . «الحسد
یا کل الحسنات کما تأکل النار الحطب» بیورلمشدر.

یک چوق سیئات و خطیئاته ده سبب اولور . «ومن شر حاسد
اذا حسد» نظم شریفی مقتضای حسدنی اجرایه قیام ایدن حاسد لک
شرندن جناب حقه استعاده ایتهمزی امر و اشعار ایتمکده در . دنیاده
اک اول عصیان عظیم حدوثنه بادی اشبو صفت ذمیمه در . ابلیس لعینک
جناب ادمه سجده دن اباسی و قابلك ، قرنداشی حضرت هابلی قتله
اجتراسی محض حسد دن ناشیدر .

حسدك جداً مذمومیتانی کلام اتی ده اشعار ایدیور : «الحسد
جاحد لانه لا یرضی بقضاء الواحد» یعنی حاسد حق تعالینک قضا
و اراده سنه راضی اولمادیغندن کافر کییدر .

«حسد» لسانمزده «قصقاتمق» ایله تفسیر اولنور که برکسه حقنده
زوال نعمت و عروض شدت تمیسنده بولنمقدر .

«ایمرنمک» ایله تفسیر اولنان «غبطه» بونک غیریدر . چونکه
بونده زوال نعمت آرزوسی یوقدر . بلکه انسان بکندیکی ورغبت
ایلدیکی کالات و فضائلک کندننده حصولنی آرزو ایدوب اکا کوره
طاوور اتمقدن عبارتدر . بوا یسه امور دینیده مباح و امور دنیویده
مندوبدر .

حسد لفظی بعضاًقرینه ایله بومعناده استعمال اولنمشدر . فصل که
حدیث شریفده «لا حسد الا فی اثنین رجل آتیه الله مالا فسلطه علی
هلکته فی الخیر ورجل آتیه الله الحکمة فهو یقضی بها ویعلمها الناس»
بیورلمشدر . یعنی دنیاده ایکی کسه غبطه ایدلمکه شایاندر : بریسی
جناب حق کندیسنه مال کثیر احسان ایدوب وجوه خیره صرف
و اتفاقه موفق ایلدیکی ، دیکری کندیسنه حکمت (علوم نافع) احسان
بیورله رق مقتضایله عامل اولنی یعنی بروجه شرعی حکم وناسه تعلیم
ایله اشتغال ایتکی تسهیل ایلدیکی کیمسه در .

«ولا تناجشوا» «ن ، ج ، ش» ماده سندن مشتقدر . شو
ماده فی الاصل اثاره صید (آو قالد رmq) معناسه در . بوراده المق قصدی
اولیه رق بر متاعک ثمنی ارتدیرmq معناسنده مستعملدر . برکسه بی
تغیریر مقصدیله بودرلو مواضعه تجار پیننده تکرر ایتمکده اولسنه مبنی
تفاعل صیغه سیله وارد اولمشدر .

«ولا تباعضوا» بربریکزه بغض ایتهمیکز ، یعنی بغض و نفرت
تولید ایده جک معاملاتدن حذر ایدیکز .

«ولا تدابروا» تقاطع ایتهمیک ، یعنی بربریکزه عتاب وجفا
ایله قطع مناسبت ایلهمیک ، یاخود برکسه بی استتقال قیلندن اولق
اوزره تولیه ظهر ایتمیکز .

نجائب قرآنیہ

سورۃ حجرات آیت - ۲۱، ۲۰

﴿ وفي الأرض آيات للموقنين . وفي أنفسكم أفلات تبصرون ﴾

اهل ايقان ایچون ارضده آیات [وعلامات] واردر [ارضك شكل خلقتی ، اقطار ونواحیسندہ سیر و سیاحت ایچون آنده کی یولار شاهراہلر ، آسماندن لطف نزول ایدن بارانہ مخزن اولق اوزره طاغیر ، اکوب یچمک ایچون اووہلر ، قرارکاه اولق اوزره قرہلر ، بین الاقوام ملتقی بولنان دکرلر ، بری برینہ مجاور قطبہلر ، مخلوقاتی سیراب ایتمک اوزره یریر فشقیان قایناقلر ، حوائج بشرہ خادم معدنلر ، رنگلری طعملری رائحلری مختلف کونا کون نباتلر ، انواع اشجارہ درلو درلو قواک و محصولات ، جہت جہت انتشار ایتیش دواب و حیوانات کی احوال متنوعہ ذات بارینک یکان یکان شئون الہیہ سنہ واضحاً دلالت ایدر شواہد و دلائلدر . بونلرک ہپی سکان ارضک منافع و مصالحی ایچون ترتیب و تدبیر اولمشدر . امدان نظر ایدیلنجہ بوضع متقن ، بوترتیب زیادہ ذات اجل اعلانک یدقدرت و حکمتی برمرآت ایچنہ انطاف ایتیش کی مشاہدہ اولنور . بتون اشیا بر نظر پاک ایلہ نہ قدر زیادہ تماشا ایدیلورسنہ آنک ہر جہتندہ بتمز توکنمز برمایہ حکمت اول قدر زیادہ انکشاف ایدر . یرہ صاحبلمش الک کوچک بغدادی دانہ سنہ و بوتخمک تکثیرنہ بادی اولان کیفیتہ احالہ نکاہ ایدلسون . برکل غنچہ سنی کونشدہ آجان ، کیجہلین تکرار قیایان تدبیر و حکم دقلہ تماشا اولنسون . بونلردہ کی تدبیر و ترتیب عقلہ حیرت و یرر . بو آیات و علامات ، بودلائل واضحہ [سزک نفسلریکنز دہدہ واردر] اطوار خلقت انسانیدہ ، شکل دلفریب آدمہدہ ، داخلی و خارجی اعضا و اجزائک ہر برندہ ، نہ بدیہلر ، نہ حکمتلر ، نہ حیرتفزا تدبیرلر ، نہ زیبا ترتیبلر وار . افعال ضروریہ بہ متمکن و مقتدر قیلہ جق ، صنائع مختلفہ بی استنباط ، کالات متنوعہ بی استجماع ایدہ جک نہ قدر ہیئات و ترکیبات عجائب نماوار . سز باقوبدہ بونلری چشم بصیرت ایلہ [کور میور می سکز .

موقن : اسم فاعل ، مصدری ایقاندیر . ایقان : بر شیشی بلاشبہ حقیقتی وجہ ایلہ بیلیمکدر .

بونظام و انتظام کائنات ، اشیا ارہ سندہ بونجہ تناسبات ، زمیندہ بوقدر احوال و کیفیات ، بالخاصہ کندمز دہ ظاہراً و باطناً کمال حیرتہ مشہودمز اولان بوبی پایان بدائع ایجاد بزنہ سویلہ یورلر ؟ جزئ فردلرایلہ تصادفی اولہرقی بونلر وجود بولمش ، یوقسہ بو آثار خبرت و اتقان برصانع قادر ذی حکمتک صنع و ایجادیمی در ؟

برک درختان سبز در نظر ہوشیار

ہرورقی دفتریست معرفت کردکار

سمدی

﴿ ولا یبع بعضکم علی بیع بعض ﴾ ای مکلفین ! سزدن بریکز بر کیمسہنک عقد بیعی اوزرینہ بیعہ طالب اولسون . مدت خیال ایچندہ مشتریہ : « بن سکا ثمن اقل ایلہ بونک مثلنی و یا ثمن مذکور ایلہ دہا اعلاسنی صاتارم » دیمک جائز دکلدر . ثمر علی الشرا دخی بویلہ در . بایعہ خطاباً : « سن شوبیعی فسخ ایدرسہک بن میعی دہا زیادہ ثمن ایلہ اشترا ایدرم » دیوب انی مدت خیال ایچندہ فسخہ ترغیب ایلیمک منہی عنہر .

﴿ وكونوا عباد الله اخواناً ﴾ ای اللہک قوللری ! ربکزک امر ایدیککی وجہلہ یکدیگر یکزہ اخوان اولکز . [صحیح مسلم نسخہ لرنده (کا امرکم اللہ) عبارہ سی دخی کورلمشدر .] یعنی ذکر ایتدیکمز اسباب نفرت و محل مودت شیلردن اجتناب ایلکیزکہ مأمور اولدیفکیز حقوق اخوتی محافظہ ایتیش اولہ سکز .

﴿ المسلم اخو المسلم ﴾ مسلم مسلمک دین قرنداشیدر . اخوت دینیہ ایسہ اخوت نسبیہدن اقوی و انفعدر . قرآن کریمدہ دخی ﴿ انما المؤمنون اخوة ﴾ بیورلمشدر . ﴿ لا یظلمہ ﴾ حقنی منع و یا تقیص ایلہ اکا ظلم ایتمز ، ﴿ ولا یخذلہ ﴾ لدی الايجاب نصرت و اعانہ و مقالہ ناصحانہ ایفاسندن کری طورماز ، ﴿ ولا یکذبہ ﴾ خلاف حقیقت خبرلہ آنی آلداتماز ، ﴿ ولا یحقرہ ﴾ فقر حالتدن و یا بر آفت بدنہیہ مبتلا اولسندن طولانی اکا حقارت ایتمز .

قال الله تعالى : ﴿ لا یسخر قوم من قوم عسی ان یكونوا خیراً منهم ﴾ یعنی بر قوم دیگر بر قوم ایلہ سخریہ و استہزا ایتسون . احتمالدرکہ او بکنیلمین قوم حد ذاتندہ بریکلردن اشرف و خیرلی اولسون . حدیث اخردہ ﴿ رب اشعت اغبر ذی طمرین لایؤ بأبہ لوا قسم علی اللہ لایرہ ﴾ بیورلمشدرکہ معنای شریفی : اسکی ثوبہ بورونمش و ہیئت و قیانتجہ حال پریشانیدہ بولنمش بعض قوللر واردرکہ عندالناس کندیلرینہ اعتبار اولتماز ؛ فقط نزدالہیدہ مقبول اولملرندن ناشی اگر برشی ایچون جناب حقہ قسم ایتسہلر ہرہمہ حال انلری یمینلرنده یار قیلار ، حاث ایتمز .

﴿ التقوی ہنا ﴾ راوینک افادہ سنہ کورہ رسول اکرم صلی اللہ علیہ وسلم افندمز حضرتلری صدر شریفلرینہ اشارت بیورہرق بوکلامی اوج کرہ سویلہ مشلدر « تقوی شورادہدر » چونکہ امتثال امر و اتباع نریدن عبارت اولان تقوانک مدار حصولی خشیت اللہدر ، بوایسہ قلب انسانیدہ بولنور .

﴿ بحسب امری من البشر ان یحقر اخاه المسلم ﴾ اخوان دینی تحقیر و تدلیل ایتمک کشینک شر و دنائتی اثبات خصوصندہ کفایت ایدر . ﴿ کل المسلم علی المسلم حرام دمہ و مالہ و عرضہ ﴾ مسلم نظرندہ مسلم ازہر جہت محترم اولوب حیاتی و عرضنی محافظہ بہ مأمور و مجبور اولدینی کی طیب نفس ایلہ و یرمدکجہ مالسدن انتقاعی دخی مشروع دکلدر . الک عادی برشی دہ اولسہ صاحبک اذن و رضاسی بولنمادجہ حلال اولماز .

مناسبتلی : اسماعیل مہدی